



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00) člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2007. GODINU
HRVATSKE STRANKE PRAVA BIH
„Đapić-dr.Jurišić“

Broj: 03-07-6-754/08
Sarajevo, 14.05.2009. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE	6
KOMENTAR.....	7

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja Hrvatske stranke prava BiH „Đapić- dr.Jurišić“ za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Stranka nije ispoštovala odredbe člana 8. stav (1) i člana 11. stav (1) i (3) Zakona o finansiranju političkih stranaka.**

Na osnovu našeg pregleda, odnosno kontrole finansijskog izvještaja, osim napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Hrvatske stranke prava BiH „Đapić-dr.Jurišić“ za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska stranka prava BiH „Đapić-dr.Jurišić“ je iskazala prihode u iznosu od 267.976,73 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	3.810,50	1,42%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	32,13	0,01%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	264.134,10	98,57%
	Ukupni prihodi:	267.976,73	100,00%

U godišnjem finansijskom izvještaju Hrvatska stranka prava BiH „Đapić-dr.Jurišić“ je iskazala ukupne rashode u iznosu 214.239,37 KM.

2. PREDSTAVLJANJE POLITIČKE STRANKE

Naziv političke stranke: Hrvatska stranka prava BiH „Đapić-dr.Jurišić“. Skraćeni naziv stranke je HSP BiH.

Politička stranka je registrovana 05.05.2004. godine u Općinskom sudu u Mostaru, pod brojem R-11/04. Datum zadnje izmjene u registru 22.01.2008.godine, broj upisa u sudski registar: R/6-07.

Sjedište političke stranke je u Mostaru, ul. Kneza Mihaela Viševića Humskog broj 39.

Lice ovlaštena za zastupanje stranke je dr. Zvonko Jurišić, predsjednik stranke.

Lice ovlašteno za podnošenje finansijskih izvještaja za 2007. godinu je Krasnodar Vasić.

Organizacionu strukturu HSP BiH „Đapić-dr.Jurišić“ čine:

- Kantonalno vijeće HNK sa šest (6) podružnica,
- Kantonalno vijeće ZHK sa četiri (4) podružnice,
- Kantonalno vijeće Posavskog kantona sa četiri (4) podružnice,
- Kantonalno vijeće HBK sa pet (5) podružnica,
- Povjerenstvo za Sarajevo sa tri (3) podružnice i
- Kantonalno vijeće SBK sa četiri (4) podružnice.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske stranke prava BiH „Đapić-dr.Jurišić“ za 2007. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Hrvatska stranka prava BiH „Đapić-dr.Jurišić“ u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Hrvatske stranke prava BiH „Đapić-dr.Jurišić“ obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode od članarina i prihode iz budžeta.

4. PRETHODNE KONTROLE I REVIZIJE

Izvršen je pregled godišnjeg finansijskog izvještaja Hrvatske stranke prava BiH „Đapić-dr.Jurišić“ za 2005. godinu i izdat izvještaj o pregledu sa mišljenjem u kome je navedeno da stranka nije postupala u skladu sa članom 11. stav (3) Zakona o finansiranju političkih stranaka.

Služba za reviziju je obavila reviziju godišnjeg finansijskog izvještaja Hrvatske stranke prava BiH „Đapić-dr.Jurišić“ za 2006. godinu i izdala izvještaj o reviziji sa mišljenjem, u kome je navedeno da stranka nije postupala u skladu sa članom 8. stav (1) i članom 11. stav (3) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2007. godinu, utvrđeno je da HSP BiH nije ispoštovala preporuke date u izvještaju o reviziji i da je u 2007. godini postupala suprotno odredbama člana 8. stav (1) i člana 11. stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

- a) HSP BiH „Đapić-dr.Jurišić“ je prekršila odredbe člana 8. stav (1) Zakona o finansiranju političkih stranaka.¹

Središnji ured HSP BiH „Đapić-dr. Jurišić“ je primio zabranjene priloge u visini od 22.080,00 KM², jer nije imao obavezu da plati zakupninu za korištenje poslovnih prostorija u 2007.

¹ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po samoj svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke partije.

² Visina priloga koji je stranka ostvarila po ovom osnovu utvrđena je na bazi cijene zakupa poslovnih prostora utvrđene Odlukom o dodjeli u zakup i korištenje poslovnih prostora u vlasništvu Gradske općine Mostar – Jugozapad, broj: OV-01-262/2001 od 31.07.2001. godine. Članom 11. ove odluke propisano je da cijena poslovnog prostora za neprofitabilne i humanitarne djelatnosti iznosi 10 KM/m².

godini. Središnji odbor stranke, na osnovu Rješenja broj: 07/II-1-2042/99 od 10.11.1999.godine, koristi poslovne prostorije Općine Mostar-Jugozapad površine 184 m².

b) HSP BiH „Đapić-dr.Jurišić“ je prekršila odredbe člana 11. stav (1) Zakona o finansiranju političkih stranaka.³

Na obrascu 3-f (prihodi iz budžeta) nisu iskazani prihodi koje je stranka ostvarila iz budžeta:

- Općine Domaljevac-Šamac u iznosu od 1.000,00 KM⁴ i
- Općine Čitluk u iznosu od 5.565,00 KM⁵,

što ukupno iznosi 6.565,00 KM.

c) HSP BiH „Đapić-dr.Jurišić“ je prekršila odredbe člana 11. stav (3) Zakona o finansiranju političkih stranaka.⁶

- Stranka nije popunila obrazac 2 (Pregled prometa svih transakcionih računa stranke) u skladu sa odredbama člana 11. Pravilnika o godišnjim finansijskim izvještajima političkih stranaka, na taj način što nije prijavila sljedeće transakcioni račune:
 - transakcioni račun br. 306043000015167 otvoren kod Hypo Alpe Adria Banka dd Mostar, na koji su uplaćena sredstva iz budžeta Općine Domaljevac- Šamac u iznosu od 1.000,00 KM, i
 - transakcioni račun br. 3060008000000086 otvoren kod Hypo Alpe Adria Banka, poslovnicu Čitluk, na koji su stranci uplaćena sredstva iz budžeta Općine Čitluk u iznosu od 5.565,00 KM.
- Na obrascu 3-f (Prihodi iz budžeta) nisu uneseni podaci o nazivu organizacionih dijelova stranke koji su primili sredstva iz budžeta, kao i podaci o brojevima i datumima odluka na osnovu kojih je izvršena uplata budžetskih sredstava. Navedeni obrazac nije popunjen u skladu sa odredbama člana 19. Pravilnika o godišnjim finansijskim izvještajima političkih stranaka.

5.2. PREPORUKE

Preporučuje se Hrvatskoj stranci prava BiH „Đapić- dr.Jurišić“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da postupa u skladu sa odredbama člana 8. stav (1) Zakona o finansiranju političkih stranaka, odnosno da ne prima zabranjene priloge,***
- ***da postupa u skladu sa odredbama člana 11. stav (1) Zakona o finansiranju političkih stranaka i da vodi računa o svojim приходima i rashodima i***

³ Političke stranke su obavezne da vode računa o svojim приходima i rashodima.

⁴ Akt Općine Domaljevac-Šamac broj: 02-14-85-1/09 od 02.02.2009.godine.

⁵ Akt Općine Čitluk broj: 05-403-08/09 od 03.02.2009. godine.

⁶ Do 31.03.naredne godine političke stranke podnose finansijski izvještaj u formi koju odobri Centralna izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. CiK BiH donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

- *da postupa u skladu sa odredbama člana 11. stav (3) Zakona o finansiranju političkih stranaka, odnosno da obrasce finansijskog izvještaja popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Hrvatska stranka prava BiH „Đapić-dr.Jurišić“ je dana 10.04.2009. godine dostavila primjedbe na Preliminarni izvještaj o pregledu godišnjeg finansijskog izvještaja za 2007. godinu, kao i dodatne dokaze o uplatama sredstava stranci iz budžeta. Stranka je uz očitovanje dostavila i ispravljene obrazac 5 godišnjeg finansijskog izvještaja za 2007. godinu.

Osnovane i argumentovane primjedbe su uvažene i ugrađene u Konačan izvještaj o pregledu godišnjeg finansijskog izvještaja za 2007. godinu.

Mr.Hasida Gušić, šef Službe za reviziju

Nevenko Andan, revizor

Anela Burdžović-Kapić, pomoćnik revizora